

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**Zaključak**  
**o odbacivanju Prijave koncentracije privrednog subjekta Landys+Gyr AG**

**Sarajevo**  
**juli, 2021. godine**



Broj: UP-05-26-1-020- 10 /21  
Sarajevo, 14.07.2021. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi sa članom 14. stav (1) Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta Landis+Gyr AG, Alte Steinhäuserstrasse 18, 6330 Cham, Švicarska, zaprimljenoj dana 17.07.2021. godine pod brojem: UP-05-26-1-020-1/21, na 90. (devedesetoj) sjednici održanoj dana 14.07.2021. godine, donijelo je

### **Z A K L J U Č A K**

1. Odbacuje se Prijava koncentracije privrednog subjekta Landis+Gyr AG, radi nepostojanja obaveze prijave koncentracije u smislu člana 14. stav (1) Zakona o konkurenciji.
2. Obavezuje se privredni subjekt Landis+Gyr AG da uplati administrativnu taksu u iznosu od 1.000,00 KM (hiljadu konvertibilnih maraka) u korist Budžeta institucija Bosne i Hercegovine.
3. Ovaj Zaključak bit će objavljen u «Službenom glasniku BiH», službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine je dana 17.05.2021. godine pod brojem UP-05-26-1-020-1/21 zaprimilo Prijavu koncentracije privrednog subjekta Landis+Gyr AG, Alte Steinhäuserstrasse 18, 6330 Cham, Švicarska (dalje u tekstu: Podnosilac prijave ili Landys+Gyr AG), putem punomoćnika advokata Naide Čustović, Zmaja od Bosne br. 7, 71000 Sarajevo, kojom privredni subjekt Landys+Gyr AG, u smislu člana 12. stav (1) tačka b) pod 1) Zakona o konkurenciji ("Službeni glasnik BiH", br. 48/05, 76/07 i 80/09) (dalje u tekstu: Zakon), stiče kontrolu nad privrednim subjektom ETREL svetovanje in druge storitve d.o.o., Pod jelšami 6, 1290 Grosuplje, Republika Slovenija (dalje u tekstu: Etrell d.o.o. ili Ciljno društvo) kupovinom (..)\*1% vlasničkog udjela.

Podnosilac prijave je predmetnu prijavu dopunio podneskom broj: UP-05-26-1-20-2/21 od dana 02.06.2021. godine i podneskom broj: UP-05-26-1-20-5/21 od dana 05.07.2021. godine.

Podnosilac prijave je u skladu s članom 30. stav (2) Zakona u istoj naveo da je Prijavu koncentracije podnio ovlaštenim tijelima za ocjenu koncentracije izvan teritorije Bosne i Hercegovine odnosno, Agenciji za zaštitu konkurencije Republike Slovenije.

Uvidom u podnesenu Prijavu, Konkurencijsko vijeće je utvrdilo da je ista podnesena u zakonskom roku, u skladu s članom 16. stav (1) Zakona.

---

<sup>1</sup> (..)\*- podaci predstavljaju poslovnu tajnu

Po prijemu cjelokupne dokumentacije Konkurencijsko vijeće je utvrdilo da je Prijava kompletna, te izdalo Potvrdu o prijemu kompletne i uredne Prijave, u skladu sa članom 30. stav (3) Zakona, dana 12.07.2021. godine pod brojem: UP-05-26-1-020- 7 /21.

## **1. Učesnici koncentracije**

Učesnici predmetne koncentracije su privredni subjekti Landis+Gyr AG, Alte Steinhauserstrasse 18, 6330 Cham, Švicarska i ciljno društvo ETREL svetovanje in druge storitve d.o.o., Pod jelšami 6, 1290 Grosuplje, Republika Slovenija.

### **Privredni subjekt Landys+Gyr AG**

**Landis+Gyr AG** je privredno društvo koje je osnovano i djeluje u skladu sa zakonima Švicarske, sa sjedištem u Chamu i registrovanom poslovnom adresom Alte Steinhauserstrasse 18, 6330 Cham, Švicarska, registrovano u Registru privrednih subjekata Švicarske pod brojem: (..)\*<sup>2</sup>

Landys+Gyr AG aktivan je u području rješenja za upravljanje energijom, kao što su upravljanje imovinom (sistemi vizualizacije napona, aplikacija za zaštitu prihoda i planer pouzdanosti) proizvodi namijenjeni distribucijskim mrežama, proizvodi namijenjeni potrošačima, itd. Specijalizirano je za proizvodnju mjerača energije, "pametnih" rješenja za mjerenje i "pametnih" mrežnih aplikacija.

Privredni subjekt Landys+Gyr AG nema povezanih društava u Bosni i Hercegovini.

### **1.2. Ciljno društvo – privredni subjekt Etrell d.o.o.**

ETREL svetovanje in druge storitve d.o.o. je društvo sa ograničenom odgovornošću koje je osnovano i djeluje u skladu sa zakonima Republike Slovenije, sa registrovanim sjedištem u Grosuplju i poslovnom adresom Pod jelšami 6, 1290 Grosuplje, Republika Slovenija, registrovano u Poslovnom i sudskom registru Okružnog suda u Ljubljani pod brojem registracije: (..)\*

Poslovne aktivnosti Ciljnog društva uključuju proizvodnju stanica za punjenje električnih vozila (hardver) i upravljanje platformom za punjenje (softver), tačnije, pružanje gradivnih elemenata za širok spektar rješenja u području e-mobilnosti (*e-mobility*) kroz razvoj i proizvodnju interaktivnih hardverskih i softverskih rješenja za punjenje električnih vozila. Ciljno društvo proizvodi integralan asortiman "pametnih" stanica za punjenje za upotrebu u domaćinstvima i javnosti. Dodatno, portfelj proizvoda Ciljnog društva uključuje i sveobuhvatan paket softvera za upravljanje punjačima i "pametno" punjenje.

Privredni subjekt Etrell d.o.o. nema povezanih društava u Bosni i Hercegovini.

---

<sup>2</sup> (..)\*- podaci predstavljaju poslovnu tajnu

## 2. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti predmetne koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10) i Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH, broj 34/10).

## 3. Pravni osnov i oblik predmetne koncentracije

Kao pravni osnov ove koncentracije Podnosilac prijave je dostavio Ugovor o kupoprodaji. Dana 30.04.2021. godine, Landys+Gyr AG kao kupac/sticatelj i g-din. (..)\*<sup>3</sup> i g-din. (..)\* (u daljem tekstu: Postojeći članovi) kao prodavci, zaključili su Ugovor o kupoprodaji poslovnih udjela u formi notarski obrađene isprave br. (..)\* obrađen od strane notara Nine Češarek (u daljem tekstu: Ugovor o kupoprodaji), u skladu sa kojim će privredni subjekt Landys+Gyr AG, u prvom koraku, steći (..)\*% udjela u osnovnom kapitalu Ciljnog društva. Konzumacija namjeravane transakcije zavisi od ispunjenja određenih prethodnih uvjeta, a koji između ostalih obuhvataju i odobrenje koncentracije od strane Konkurencijskog vijeća.

Kako bi uredili određena pitanja u vezi Ciljnog društva, Sticatelj i Postojeći članovi namjeravaju zaključiti Ugovor članova društva, u formi predviđenoj prilogom 7.2.1 (c) Ugovora o kupoprodaji (u daljem tekstu: Ugovor članova društva), u momentu zaključenja akvizicije (..)\*% udjela u Društvu (u daljem tekstu: Zaključenje transakcije).

Ugovor članova društva predviđa da će L+G i Postojeći članovi imati pravo i obavezu da zakluče ugovor o prijenosu preostalih udjela Postojećih članova na dan 31.05.2024. godine, koji zajedno predstavljaju (..)\*% udjela u osnovnom kapitalu Ciljnog društva, ukoliko je kupoprodajna cijena već obračunata u tom trenutku.

Slijedom navedenog, pravni oblik predmetne koncentracije će biti sticanje kontrole jednog privredna subjekta nad drugim privrednim subjektom, u skladu sa članom 12. stav (1) tačka b) Zakona.

## 4. Relevantno tržište

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuju od uslova tržišne konkurencije na susjednim geografskim tržištima.

---

<sup>3</sup> (..)\*- podaci predstavljaju poslovnu tajnu

Kako je navedeno u Prijavi, Podnosilac smatra da se relevantno tržište proizvoda za predmetnu koncentraciju može definisati kao tržište softvera za stanice za punjenje električnih vozila u Bosni i Hercegovini.

Privredni subjekt Landyr+Gyr AG prema navodima Podnosioca prijave, ne djeluje na tržištu na kojem djeluje Ciljno društvo.

Relevantno geografsko tržište na kojem djeluje Ciljno društvo obuhvata cjelokupnu teritoriju Bosne i Hercegovine.

Zbog svega navedenog relevantno tržište predmetne koncentracije može se definisati kao tržište softvera za stanice za punjenje električnih vozila u Bosni i Hercegovini.

## 5. Ocjena prijave koncentracije

Obaveza prijave koncentracije privrednih subjekata, u smislu člana 14. stav (1) tačka b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije 31.12.2020. godine:

**Tabela 1.**

Red br.	Naziv privrednog subjekta	Ukupan prihod na tržištu BiH /KM	Ukupan prihod na svjetskom nivou/KM
1.	Landys+Gyr AG	(..)* <sup>4</sup>	(..)*
4.	Etrell d.o.o.	(..)*	(..)*

Godišnji prihod učesnika koncentracije predstavlja ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine) u smislu člana 9. tačka h) Odluke o načinu podnošenja prijave i kriterijumima za ocjenu koncentracija privrednih subjekata.

Prema podacima iz Prijave (Tabela 1.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela, obzirom da Podnosilac prijave ne djeluje na relevantnom tržištu na kojem djeluje Ciljno društvo pa ne postoje horizontalna preklapanja niti vertikalne veze između Podnosioca prijave i Ciljnog društva i samim tim predmetna koncentracija neće dovesti do stvaranja ili jačanja dominantnog položaja od strane učesnika koncentracije.

Dopisom zaprimljenim od strane Elektroprivrede BiH d.d. Sarajevo, Vilsonovo šetalište 15, 71000 Sarajevo, dana 13.07.2021. godine pod brojem: UP-05-26-1-020-9/21 dostavljeni su i službeni podaci o broju punionica za električna vozila kao i podaci o korištenju softvera Ciljnog društva. Prema dostavljenim podacima trenutno u Bosni i Hercegovini postoji 8 punionica za električna vozila koje su integrisane u

<sup>4</sup> (..)\*- podaci predstavljaju poslovnu tajnu

softverski sistem za nadzor i upravljanje softverom Ocean a čiji je proizvođač Ciljno društvo Etrek d.o.o. Privredni subjekt JP Elektroprivreda BiH d.d. Sarajevo nema zvaničnu informaciju o broju punionica ostalih vlasnika u Bosni i Hercegovini kao ni o tome da li se koristi neki sličan softver za nadzor i upravljanje.

Prema dostupnim podacima a koji su dostavljeni u Prijavi od strane Podnosioca zahtjeva, privredni subjekt Etrek d.o.o. ima samo jednog klijenta u Bosni i Hercegovini ( JP Elektroprivreda BiH d.d. Sarajevo) od kojeg ostvaruje prihod. Prema dostavljenim informacija u Bosni i Hercegovini postoji oko 80 stanica za punjenje električnih automobila dok je alternativna informacija da postoji 90 stanica. Trenutno samo 14 stanica za punjenje električnih vozila koristi softversko rješenje Ciljnog društva. Shodno tome, privredni subjekt Etrek d.o.o. ima udio na relevantnom tržištu od 15,5% (14/90) do 17,5% (14/80).

Na osnovu naprijed navedenog, utvrđeno je da Podnosilac prijave nije bio obavezan podnijeti prijavu koncentracije u smislu člana 14. Zakona, te je odlučeno kao u dispozitivu.

## **6. Administrativna taksa**

Podnosilac Prijave na ovaj Zaključak, u skladu sa članom 2. Tarifni broj 108. tačka c) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) dužan je platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

## **7. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

**Predsjednik**

**Dr. Amir Karalić**